

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

LURRALDE OREKAREN ETA LURRALDE ANTOLAMENDUAREN SAILA

383/2025 Foru Agindua, uztailaren 2koa. Lapuebla de Labarca udalerriko lurzoru urbanizaezinean zuntz optikorako 2 zutoin instalatzeko proiektua interes publikokoa adieraztea

Telefónica de España SAUk lizentzia eskatu dio Lapuebla de Labarcako Udalari 8FVA-250 motako zuntzeko 2 zutoin jartzeko 8712898 zenbakiko proiektua gauzatzeko, Lapuebla de Labarcako 2 poligonoko 1107 lurzatian, udalerriko lurzoru urbanizaezinean, dagoen biltegiari zuntz optikoko zerbitzua emateko.

Udalak espedientea bidali du, eta eskatu du izapidetu dadila proiektuaren interes publikoaren adierazpena, Lurzoruari eta Hirigintzari buruzko ekainaren 30eko 2/2006 Legeak 28.5.a) artikuluan xedatutakoa betetzeko.

Aurkeztutako proiektuan jasota dago Telefónica de España SAU operadore gisa erregistratuta dagoela Telekomunikazioen Lege Orokorren 7. artikuluan araututako operadoreen erregistroan, eta, beraz, estatuko lurraldean gaituta dagoela komunikazio elektronikoko zerbitzuak emateko eta telefono sareen azpiegiturak instalatzeko. Zerbitzu unibertsalaren edukia Telekomunikazioei buruzko ekainaren 28ko 11/2022 Lege Orokorren 37. artikuluan eta hurrengoetan dago araututa.

Udal arkitekto teknikoak egindako txostenak jasotzen duenez, zutoin berrien UTM koordentuekin aurkeztutako planoaren arabera, zutoin horiek 2 poligonoko 872 eta 1107 katastro lurzati-tietan daude, titulartasun pribatukoak biak, eta biak lurzoru urbanizaezin gisa sailkatuta daude eta balio estrategiko handiko nekazaritza eta abeltzaintzako landa zona gisa kalifikatuta (J41).

Txostenak adierazten duenez, indarrean dagoen hiri antolamendurako plan orokorraren 1.6.1.1 artikulua (lurzoru urbanizaezinean erabilerak baimentzeari buruzkoa) bere 2. apartatuan hau ezartzen du: “Aplikatzekoa den sektoreko legediak edo lurralde plangintzak interes publikotzat adieraztea eskatzen dute, eta kasu jakin honetarako, Arabako Foru Aldundiak interes publikotzat adierazi behar ditu, Lurzoruari eta Hirigintzari buruzko ekainaren 30eko 2/2006 Legearen 28.5.a. artikuluan ezarritakoaren arabera, erabilera hauetarako bideratutako eraikinak, eraikuntzak eta instalazioak:

[...].

4c) Sistema orokorrez bestelako aireko lineak”

Aurrekari horiei aplikagarri zaizkie zuzenbideko oinarri hauek:

Lehenengoa. Lurralde Orekaren eta Lurralde Antolamenduaren Sailak eskumena du aztergai den espedientea ebazteko, bat etorritik Arabako Foru Aldundiaren sailen egitura 2023-2027 legegintzaldirako zehazten duen Diputatu Nagusiaren ekainaren 30eko 152/2023 Foru Dekretuak eta Lurralde Orekaren eta Lurralde Antolamenduaren Sailaren egitura organikoa eta funtzionala onesten duen Foru Gobernu Kontseiluaren urtarrilaren 30eko 1/2024 Foru Dekretuak xedatutakoarekin.

Lurzoruaren eta Hiri Birgaitzearen Legearen testu bategina onesten duen urriaren 30eko 7/2015 Legegintzako Errege Dekretuak 13.1. artikuluan xedatutakoaren arabera, lurralde eta hirigintza antolamenduak urbanizazioaren bidez eraldatzetik babestu duen eta landa egoeran dagoen lurzoruan, “salbuespen gisa eta lurralde eta hirigintza antolamenduaren legerian aurreikusitako

prozedura erabiliz eta baldintzak betez, zilegi izango da berariazko jarduera eta erabilera batzuk legitimatzea, baldin eta interes publikoa edo soziala badute, landa antolamenduari eta garapenari ekarpenak egiten badizkiote edo landa ingurunean kokatu beharrekoak badira”.

Bat etorri Lurzoruari eta Hirigintzari buruzko 2/2006 Legeak 28.5.a) artikuluan ezarritakoarekin, lurzoru urbanizaezinean egin daitezke “ondoren zehazten diren zuzkidurak, ekipamenduak eta jarduerak ezartzea beste helbururik ez duten jarduketak: alde batetik, arlo jakin bateko legeriak –aplikatzekoa denak– edo lurraldearen plangintzak interes publikokotzat jo dituenak, eta bestetik, kasu jakinetan, dagokion foru aldundiak interes publikokotzat jo dituenak; bigarren hori, hogeit egunez jendaurrean edukitzeko tramitea bete ondoren, ebazpen baten bidez egingo du”.

Bigarrena. Maiatzaren 9ko 280/2025 Foru Aginduaren bidez, xedatu zen espedienteari hasierako onespina ematea eta jendaurrean ipintzeko 20 eguneko epea irekitzea, ALHAOn argitaratzen zenetik aurrera. Argitalpena 56. zenbakian egin zen, 2025eko maiatzaren 21ean. Horretarako emandako epean ez da aurkeztu inolako alegaziorik.

Hirugarrena. Proiektuaren interes publikoari dagokionez, Telekomunikazioei buruzko ekainaren 28ko 11/2022 Lege Orokorraren 1. artikulua honako hau zehazten du: “Lege honen xedea telekomunikazioak arautzea da, eta horren barruan sartzen dira komunikazio elektronikoaren sareak instalatzea eta ustiatzea, komunikazio elektronikoaren zerbitzuak ematea, horiei lotutako baliabideak eta zerbitzuak, ekipo erradioelektrikoak eta telekomunikazioko ekipo terminalak, [...]”.

2. artikulua ezartzen duenez, “telekomunikazioak interes orokorreko zerbitzuak dira, eta lehia askearen araubidean ematen dira”, eta 3. artikulua honako hauek jasotzen ditu legearen helburu eta printzipioen artean:

“[...]”.

c) Interes orokorreko helburua lortzearen, komunikazio elektronikoaren sareak hedatzea eta zerbitzuak ematea sustatzea, konektagarritasuna, oso gaitasun handiko saretarako sarbidea (sare finkoak, mugikorak eta hari gabekoak barne) eta muturretik muturrerako elkarrengarritasuna sustatuz, berdintasun baldintzetan eta diskriminaziorik gabe.

d) Sareen hedapenean eta komunikazio zerbitzuen prestazioan berrikuntza bultzatzea, zerbitzu unibertsala bermatzeko eta Internetarako sarbidean eta Komunikazioaren Teknologietan (IKT) dagoen desberdintasuna murrizteko, arreta berezia jarritz Internetarako sarbide funtzionala hobetzearekin lotutako herritarrentzako sareen eta zerbitzuen hedapenean, [...]”.

Lege horren III. tituluak zerbitzu publikoko betebeharrak eta izaera publikoko eskubide eta betebeharrak aipatzen ditu, sareen horniduran eta komunikazio elektronikoaren zerbitzuak ematean. Honela dio 37. artikulua:

“1. Zerbitzu unibertsaltzat hartzen da kontsumitzaile guztientzat bermatzen den zerbitzu multzo definitua, edozein dela ere haien kokapen geografikoa, [...]”.

Zerbitzu unibertsalean sartutako zerbitzuak [...] honako hauek dira:

a) Banda zabaleko Internetarako sarbide egoki eta eskuragarriko zerbitzua, kokapen finko baten azpiko konexio baten bidez [...].

b) Ahots komunikazioko zerbitzuak, kokapen finko baten azpiko konexio baten bidez”.

Bestalde, aurkeztutako proiektuan jasota dago Telefónica de España SAU Estatuko lurraldean komunikazio elektronikoaren zerbitzuak emateko gaitutako erakundea dela, eta legez gaituta dagoela telefono sarean azpiegiturak instalatzeko. Era berean, jasota dago, abenduaren 26ko ECE/1280/2019 Aginduaren arabera, Telefónica izango dela komunikazio elektronikoaren sare publikorako konexioaren hornidurari eta jendearentzat eskuragarri dagoen telefono zerbitzua emateari buruzko zerbitzu unibertsaleko elementuak emateaz arduratzen den operadorea, eta operadore gisa erregistratuta dagoela Telekomunikazioen Lege Orokorraren 7. artikuluan araututako operadoreen erregistroan.

Kokapen zehatz horretan kokatu beharra, landa ingurunean, azpiegituraren berezko ezau-garriek eragiten dute.

Horregatik, eta dagozkidan ahalmenak erabiliz, hau

XEDATZEN DUT

Lehenengoa. Lurzoruari eta Hirigintzari buruzko ekainaren 30eko 2/2006 Legearen 28.5.a) artikuluan xedatutakoarekin bat etorriz, Telefónica España, SAUren 8712898 zenbakiko proiektuaren interes publikokoa adieraztea. Proiektu hori Lapuebla de Labarcako 2 poligonoko 1107 lurzatian dagoen biltegiari zuntz optikoaren zerbitzua emateko 8FVA-250 motako 2 zutoin instalatzean datza, udalerri horretako lurzoru urbanizaezinean.

Bigarrena. Adierazpen honek ez du kentzen proiektua gauzatu baino lehenago dagokion udal lizentzia lortzeko betebeharra, ez eta horretarako udal ebazpenaren edukia aurretik ezartzen ere.

Hirugarrena. Ebazpen honek administrazio bidea amaitzen du, eta beronen aurka administrazioarekiko auzi errekurtsua aurkeztu ahal izango da EAEko Auzitegi Nagusiko jurisdikzio horren salan, hilabete biko epean; edonola ere, berraztertzeko errekurtsua jarri ahalko zaio, nahi izanez gero, egintza eman zuen organoari berari, hilabeteko epean, bat etorriz Administrazio Publikoen Administrazio Prozedura Erkidearen urriaren 1eko 39/2015 Legeak 123. eta 124. artikuluetan xedatutakoarekin, edo egoki deritzon beste edozein errekurtsu ere aurkez daiteke.

Vitoria-Gasteiz, 2025eko uztailaren 2a

Lurralde Orekaren eta Lurralde Antolamenduaren Saileko diputatua
LAURA PÉREZ BORINAGA